



252

---

3118



張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪

朱

瑛春城

贊素園全校字

男

璜礪溪

天口篇

先民有言。聖為天口。愚非聖。安能代天立言。特以  
維皇上帝。降臨下民。發曠振聾。本照臨之美意。勸  
善規過。亦普度之良因。舌端艾艾。期期不辭。根純

6130

天下林林總總。懇聽吾言。爰作訓體文。若下篇名曰天口。蓋以報碧翁崇裒之意云爾。洞宮真人臣

張三丰書

正教篇

古今有兩教。無三教。奚有兩教。曰正曰邪。奚無三教。惟一惟道。一何以分。分何以三。蓋自有孔老牟尼。乃至有孔老牟尼。雖至有孔老牟尼。仍非有孔老牟尼。孔固儒也。老固道也。牟尼固釋也。然有所分故。究無所分故。以無所分故。必有所合故。不孔亦不老。不老亦不牟尼矣。

尼孔老皆名曰道。孔之絕四。老之抱一。牟尼之空五。皆修已也。孔之仁民老之濟世。牟尼之救苦。皆利人也。修已利人。其趨一也。彼世人之別為孔老牟尼者。蓋以名分不察實也。抑以形分不按理也。見為孔老牟尼。即非孔老牟尼。雖非孔老牟尼。還是孔老牟尼。孔老牟尼皆古聖人。聖人之教。以正為教。若非正教。是名邪教。儒家楊墨。道家方士。釋家妖僧。亦三教也。雖分三教。仍一邪也是故。分三教者。愚分邪正者。智。

儒書篇

六經而外。立言可法者。必推孔門。不談出世。不講玄經。蓋恐人落身崖壑。無實行也。孔顏存心。只望人隱居求志。行義達道。道在濟人。山林無非朝市。道在修己。朝市不染山林。故出言實多。玄義而解人之索。甚難。大學第二節。孔子之修身也。為仁用四物。顏子之煉己也。功夫未純。不離陋巷。功夫已熟。不忘國家。故能隱中求行。行中達隱。隱處有孔顏。行處亦有孔顏。乃至無行無隱。而非有孔顏。神明在我。變化從心。真大道也。孔子傳曾子。曾子傳子思。中庸一部。道妙深明。悟玄之家。竊取成真。

者恒河沙數。子思而後。厥推孟子。持心養氣。勿助勿忘。充天塞地。至大至剛。人人得度。默默取將。浩然之妙。口訣難言。闢邪輔正。楊墨掀翻。吾願爾士庶。不須三島求真。只向四書領取。以顏曾思孟為明師。以子臣弟友為功行。以身心性命為承鉛。以義精仁熟為鼻舉。修道時莫貪用道。養道時莫貪行道。得道時便可顯道。道不可顯。飄然而返。傳之名山。源流自遠。

禪旨篇

於意云何。而名為釋。牟尼云。吾好釋。故以釋開教。取釋

去萬緣之意於意云何。而又為佛。大士云。吾好佛。故以佛設教。取覺悟衆生之意。如是我聞。釋主離世。如是我聞。佛主醒世。金經數百藏。無非超脫塵垢。警悟沉迷。是故牟尼清淨。復得大士清淨。牟尼總其清淨。大士普其清淨。非有所執其清淨。非有所壞其清淨。非有所吝其清淨。乃至無清淨。非清淨。非清淨。亦清淨。是大清淨。是滿清淨。人能唵誦潮音。必得清淨心。必得般若心。但得般若。便忘般若。不忘般若。即非般若。既非般若。不名般若。非般若。乃是般若。得般若者。是謂之釋。是可成釋。

是有釋。釋是釋。非有釋。釋是釋。自有釋。釋是謂之佛。是可成佛。是有佛。佛是佛。非有佛。佛是佛。自有佛。佛牟尼如是也。大士如是也。即沙門比丘亦如是也。不如是能成釋。不不也。不如是能成佛。不不也。何以故。即釋是釋。非釋。即非釋。即佛是佛。非佛。即非佛。何以故。釋外無釋。取釋為釋。佛外無佛。取佛為佛。何以故。釋釋釋意。並無釋意。乃已釋意。佛佛念。並無佛念。乃實佛念。不釋而釋者。上乘不佛。而佛者。大乘釋佛之經藏。即釋佛而成藏。是謂正法眼藏。

玄音篇

玄學以功德為體金丹為用而後可以成仙。仙品有五。實言之則祇四。一曰人仙。人仙者煉元精而補元氣已培修仙之本。然能養健不離生死。此人中仙也。一曰地仙。地仙者煉元氣而結內丹。已無漏通之患。然可陸行不離塵埃。此地中仙也。一曰神仙。神仙者煉元炁而化元神。已有神通之妙。水火無害。又名水仙。煉神還虛。即天仙也。是故天仙而下為神仙。神仙而下為地仙。地仙而下為人仙。人仙而下則有鬼而無仙也。鬼者純陰。仙

者純陽。人得半陰半陽。則不離乎生死。缺陰之半則成仙。缺陽之半則成鬼。故人在可仙可鬼之中。亦暫在可仙可鬼之中。欲逃出可仙可鬼之中。即當任天仙神仙之中。回頭識岸。撒手離塵。再經萬言。總在自已認已為他。即落旁門。前聖遺書亦須善玩。非金非石。非汞非鉛。非爐非鼎。非女非男。非日非月。非坤非乾。非公非母。非龍非虎。非鳥非兔。非牝非牡。玄在何處。玄在玄處。妙在何處。妙在妙處。我有真傳。不敢妄言。人有真情。亦不閉門。廣積陰功。始為仙品。廣行方便。始是仙基。廣修因果。

三才全書卷之六  
始是仙根。若得是人而求吾道。吾願與說最上乘法。指  
點微言。必如撥雲霧而見青天。長嘯而去。

此篇指陳仙品。明明朗朗。推望人積陰功而求真傳。則神仙之道。實不難至也。

### 五德篇

人生有五德。吾嘗以譬天地之五行。人身之五經。仁屬木也。肝也。義屬金也。肺也。禮屬火也。心也。智屬水也。腎也。信屬土也。脾也。是知五德之不可少一。猶如五經之不可絕一。即如五行之不可缺一。人皆曰。木不可少也。而何以無仁也。無仁者必無養育之念。其肝已絕。而木

為之槁枯矣。人皆曰。金不可少也。而何以無義也。無義者必無權宜之思。其肺已絕。而金為之朽鈍矣。人皆曰。火不可少也。而何以無禮也。無禮者必無光明之色。其心已絕。而火為之衰熄矣。人皆曰。水不可少也。而何以無智也。無智者必無清澄之意。其腎已絕。而水為之昏涸矣。人皆曰。土不可少也。而何以無信也。無信者必無交孚之情。其脾已絕。而土為之分崩矣。是知為人者。必先有心之五德。而後有身之五經。仁不絕。肝氣生。義不絕。肺氣平。禮不絕。心氣明。智不絕。腎氣靈。信不絕。脾氣

醒德包乎身。身包乎心。身為心。用心以德。明是身。即心是心。即身是五德。即五經。德失經失。德成身成。身成經成。而後可以參贊天地之五行。

孝行篇

桂宮列楹聯。百行孝為先。文祖能行孝。馨香萬萬年。故其於一身。成道即成仙。成仙即成聖。成聖即兼賢。光明開日月。愛慕通地天。世人欲希孝。孝真百行原。虞舜百揆叙。孝在明揚前。周文百度貞。孝居令聞先。曾子貴三道。事親獨大焉。閔子冠四科。事母獨殷然。古來多孝子。

畧畧為數宣。莫作孝典看。須作孝則觀。或為米之負。或遺羹之甘。或瞻雲之白。或表衣之斑。或哭杖力減。或懷橘味鮮。或禱竹生筍。或感石流泉。或念烏反哺。或祈魚躍淵。或捧安陽檄。或廢蓼莪篇。或思而罷晏。或奉而刻顏。此皆賢哲流。豈無德功言。就其百事好。不若孝纏綿。惟孝始能友。移孝可作忠。惟孝型于妻。以孝信乎朋。一孝包五倫。須知孝可風。至孝孝在心。愛慕見天真。中孝孝在身。奉養宜殷勤。口中雖講孝。能道要能行。面上徒妝孝。欺人並欺親。孝德無窮盡。一念得一分。分分而寸。



三才全書卷一  
寸寸格天神。孝孝復孝。孝。肫肫復肫。我作此孝經。  
經中之大經。

淫惡篇

桂宮題楹帖。萬惡淫為首。所以惡報多。不如淫報醜。天  
刑。件件奇。天罰。樣樣有。或誘他人妻。已妻為人誘。或樓  
他人女。已女為人樓。或以姦殺身。或以姦絕後。或傾家  
業財。或奪功名壽。或生子孫賤。或隨誑騙。走淫報極紛  
紛。筆談難縷縷。此惡放過誰。伊胡不回首。漫曰淫者盈  
罪滿報方臨。卽淫卽有報。天鑒不容情。一條淫鬼案。可

歎真可歎。勸汝世間人。莫把淫戒犯。未見不可思。既見  
不可亂。處女不可戲。節婦不可玩。遇人妻妾女。當作姊  
妹看。勿污婢與奴。勿狹妓與旦。紅粉一時花。精神一刻  
散。保身須出坑。離苦須過岸。卽汝妻與妾。閨愆亦宜節。  
欲生端相兒。須立敬避格。或逢聖神誕。或逢日月食。或  
當祀竈期。或當忌辰日。或遇陰晦交。或遇雷電疾。必分  
被與牀。或分牀與室。天神察其恭。求福福自錫。天仙重  
其操。訪道道可獲。再能免諸惡。更是大豪傑。

施報篇

富貴之家積善易。欲求善報則不易。非不報善也。必衡其量而報之。貧賤之家積善難。而得善報則不難。非獨報善也。亦衡其量而報之。至於非富非貴。非貧非賤者。積善獲報。夫亦稱量子之也。以助金論。富貴助金百金。十功。貧賤助金十金。十功。以濟人論。富貴濟人百人。十善。貧賤濟人十人。十善。非富非貴。非貧非賤者。自當以中人定論也。富貴而借口中人不可。借口貧賤尤不可。前人聚後人消矣。前人強後人弱矣。雖然富貴而行善得當。寥寥數百金。亦必有大報也。但當擴而充之耳。貧

每作宕往  
黃猶之致  
攬之不盡

賤而強學。中人不可強學。富貴尤不可奉養。缺罪過生矣。凍餒深。妻子怨矣。雖然貧賤而行善得當。茫茫家道傾。必即有大報也。但當權而用之耳。天固不負善人也。倘有居富貴而恪貲財。以善多而報少。以善速而報遲。遂不留意作善者。其召禍必不常。其逢凶必不少。望族轉瞬而冰消。侯門再過而灰燼。均此類也。居貧賤而談功果。以善少而報少。以善遲而報遲。遂敢輕心視善者。其召禍必更奇。其逢凶必更甚。慘淡刀兵之際。流離病疫之間。皆由此也。其處非富非貴。非貧非賤者。亦是此

安得此公道之言

例何也。身。后。富。貴。者。有。積。善。之。勢。有。積。善。之。權。人。生。處。此。即。有。善。而。無。報。亦。分。內。事。衣。豐。食。豐。聲。有。名。有。但。得。常。常。若。此。享。其。安。榮。及。其。子。孫。是。亦。善。報。矣。乃。敢。薄。善。而。不。為。以。望。報。肆。其。狂。貪。故。上。天。轉。移。其。權。而。與。善。士。絕。不。肯。稍。留。餘。情。居。貧。賤。者。無。積。善。之。勢。無。積。善。之。權。人。生。處。此。遇。小。善。而。即。行。似。非。奇。事。惜。字。惜。物。愛。人。愛。儒。但。得。常。常。若。此。結。土。成。山。結。水。成。海。必。得。善。報。矣。乃。敢。非。善。而。不。為。以。望。報。昏。其。心。志。故。上。天。益。加。其。窮。以。誅。惡。類。絕。不。肯。稍。存。私。覆。善。報。如。是。惡。報。如。是。非。富。非。

貴。非。貧。非。賤。者。請。試。觀。之。爾。富。爾。貴。爾。貧。爾。賤。者。請。試。思。之。嗟。乎。施。報。之。理。惟。聖。賢。看。之。甚。明。惟。仙。佛。處。之。甚。大。豪。俠。之。士。或。有。過。情。者。然。世。人。能。如。豪。俠。亦。足。矣。吾。也。少。好。施。與。幸。上。九。清。故。於。天。人。報。應。洞。澈。頗。詳。此。豈。宜。微。之。說。哉。雖。天。心。亦。皆。如。是。也。然。天。何。言。哉。

盈虧篇

天下國家之事。嘗有消長晦明。一盈一虧。常人目為天運。達士歸之。心理固正也。詞固醇也。吾何議論之云云。然世有未盈則虧。欲虧不虧者。此情此故。吾當疊疊。

為國家言而一身可推矣

發明以為世勸。國家之氣勢安極始危。乃有一傳而生。事變再世而歎危亡者。謂為虧歟。何以尚有中興。謂非

捷接

盈歟。何以忽萌大難。蓋不親賢才則奸雄壞政。不敦詩禮則子孫奢狂。人事承平之會當存履險之思。思患預防。君子宜儆惕焉。以盡上天之歷數。然天亦無盡數之時也。人日持盈萬萬年亦可至耳。國家之氣機亂極始治。乃有運將衰而復盛。勢稍降而復升者。謂不虧歟。何以幾隣累卵。謂已虧歟。何以復享安磐。蓋臨崖勒轡。即可免其顛危。觸景回頭。自可綿其世祚。人情宴飲之微。

尚難存盡歡之想。即小徵大君子宜猛省焉。以輓上天之劫數。然天亦無劫數之見也。人日畏虧。平平者自可久耳。嗚。天心在人事中矣。人何不勉於善哉。

毀譽篇

人何以故而毀我。人何以故而譽我。彼何以故而毀人。彼何以故而譽人。望人譽而功不至。斯毀之矣。防人毀而過能悛。斯譽之矣。是故毀譽我者無其漸。我招毀譽有其漸。毀譽人者無其音。人招毀譽有其因。吾愛天下人。不求譽而行可譽之事。吾惡天下人。不畏毀而行可

三才全書卷六  
毀之端吾恥天下人不知毀譽而湮沒以終湮沒以終  
人不毀而自毀也生前以有過自毀者人必譽之生平  
以有功自譽者人必毀之雖然譽人而過乎其實標榜  
之風必起矣毀人而過乎其實求全之輩可誅矣世人  
勉之戒之

短篇

誰合修誰合短皇矣下觀原無別眼欲教民物共長生  
大塊芸芸必充滿是故仁則壽惡則譴功則壽過則滅  
養則壽戕則損音散仙佛聖賢劫可免以歌當話招流返

窮達篇

達之人兮無窮愁愁之人兮少德修榮枯兩途兮一春  
一秋吾亦兩居兮隱顯自由人命忙忙兮其駛如箭達  
何足懽兮窮何足歎境可縛兮非英雄命可安兮且閒  
玩讀書養道兮浩氣猶龍顏瓢點瑟兮孔許其同原襟  
必琴焉吾亦可從廬中龍兮上雲霄湖上驢兮自逍遙  
雲之出兮為霖雨流之退兮訪松喬抑或無心仕進兮  
嚴竿王樵即王質何必自苦兮悶死蓬蒿

人品篇

人品近似之界。不可不明。有人焉。正氣自存。離羣特立。人以為傲也。吾以為毅。有人焉。謙光自處。與世無殊。人以為流也。吾以為和。有人焉。優游自適。率乎天真。人以為惰也。吾以為安。有人焉。嘯咏自如。由乎天命。人以為狂也。吾以為達。有人焉。鄭重持身。丰裁峻節。人以為驕也。吾以為嚴。有人焉。渾厚立已。性格堅蒼。人以為拙也。吾以為樸。有人焉。義利分明。一私莫着。人以為矯也。吾以為介。有人焉。襟懷卓異。一塵不親。人以為僻也。吾以為高。有人焉。雍和滿著。不識文詞。人以為俗也。吾以為

儒。有人焉。清淨為緣。不知經懺。人以為愚也。吾以為覺。有人焉。飲食無異。寒暑不災。人以為怪也。吾以為仙。賢否錯出之間。有相似而實不同者。不可不細觀也。勿有薄人心。厚己心。輕人心。重己心。無人心。有己心。則至人之精神出矣。舜居深山中。其所以異於人者。幾希。及其聞一善言。見一善行。而舜如赤城之標。朱光在天上也。

快活篇

有安城老叟。言於危城公曰。吾聞生太平之世。為太平之人。無上無下。居易居仁。子亦知快活之事乎。請為子

三才金華卷之二  
小賦而陳之。紅埃滾滾。苦海滔滔。循吾分。守吾操。養吾  
浩全。吾高保太和。兮淡世慮。滅爭競兮。少氣淘耐。清寒  
兮增學。養忘嗜慾兮。住林臯。出為好官兮。無罪戾。入為  
達士兮。免牢騷。訓兒孫兮。戒淫賭。教婦女兮。肅庭戶。耕  
不歉乎官租。學不荒乎德圃。飲社酒兮。治聾。為天民之  
巨拇。龐龐兮。貌古。落落兮。神全。任是非之雜沓。斯怨尤  
之胥捐。能放生而戒殺。亦養性兮。延年。與鄉老兮。設格  
言。招後輩兮。講功過。將成已而成人。化千箇而萬箇。鋪  
野席於蒞堂。推山翁為上座。池栽君子之蓮。籬種陶公  
之菊。山香處士之梅。澗滿幽人之竹。隨遇而安。樂乎不  
樂。今吾子兩道愁眉。一腔死血。足踏市朝。身拋泉石。入  
而不安。出而無益。既好貪兮。又好爭。羌好穿兮。又好吃。  
與塵市而同磨。看又陽之轉滅。危城乃愀然曰。噫。仙叟  
之教我者。至於斯夫。謹受訓深揖而退。

能讓篇

養和之室。積厚之家。西壁東堂。宜書格語。譬如吃虧一  
條。人多不平。不知吾能忍讓。即是為自己養和。為子與  
孫積厚之事。今將聖神賢士至理名言。約書幾句。以為

人勸有云。便人乃自便。宜人乃自宜。我便人不便。我宜人不宜者。有云。吃得虧人多。厚福賺得盈時。總是虧者。有云。若使人人皆得勝人間。誰合受虧人。有云。乾坤兩字盈虛定。吃盡虧時却已除者。予亦有句云。虧我多時。天不忍老。天定與我便宜。諸公勉乎哉。吃虧人終不受虧也。

### 忠恕篇

忠恕者。宣聖一貫之傳也。一以貫者。何忠為體而恕為用也。中心為忠。由中立心也。如心為恕。如人之心也。己立立人之義。其在斯乎。忠所以貫乎恕也。以恕道為仁。則能不欲勿施。天心無人欲之擾。以恕道處世。則能犯而不校。人心無橫逆之來。以恕道治世。則能所惡勿施。臣心無殘酷之政。聖賢道理。滴滴歸源。真可以終身行之者也。使徒欲如己之心。而不欲如人之心。則其心必生。是己非人心。厚己薄人心。重己輕人心。利己害人心。成己敗人心。諸如此心。皆不如人心。既不如人心。安能如己心。雖欲如己心。貪多害己心。不能如己心。忍多壞己心。其心壞。其心失也。其心失。無中心也。中心亡而仁



三才全書卷二  
根死無怪其心不怒也。然則不忠者亦以貫乎不怒也。吾願爾士人尋一貫之旨存一貫之真庶非孔門之罪人也。

### 虛無篇

虛無者老釋同傳之旨也。虛者何虛心也。心虛故神清。神清故性慧。大超脫大解悟從此生矣。無者何無我也。無我故無人。無人故無欲。大清淨大歡喜從此得也。今汝兩門人不明虛無只探實有實有二字其名亦佳究竟入迷者如穀之數日求實而設金石無一得也。日求

有而參禪偈。生六塵也。無量恒河沙。誰是第一波羅密哉。吾憫爾等愚。吾開爾等智。觀心虛而至性慧。知虛之能取實也。觀無我而至無欲。知無之能包有也。孔子毋我。顏子齋心。雖儒家尚如是也。况爾等乎。

### 養生篇

人之所欲莫甚於生。欲得其生須重其生。欲重其生切莫輕生。殺身成仁見危授命非輕生也。平日保其生至此用其生乃不同。夫虛生乃雖死而猶生。忠臣義士烈女貞媛。惟重生者能之也。若夫生值太平躬逢盛世。或

貴或賤全孝全忠為國家耆英為世間人瑞則生生者不可不知養生也養生之論與修真不同修真可以逃劫數道也養生可以延年命術也然養生而不明古今天人之理亦終無集驗之方上古之民渾樸為風寡慮寡思寡言寡笑寡視寡聽粗衣糲食不識不知故能保全其真以永眉壽近今之民浮華日啓多慮多思多言多笑多視多聽豐衣厚食蕩志蕩神故嘗戕伐其性以致天亡天道之泰在乎能復日昃又中月缺又圓雨漏又晴雷鳴又蟄故能留不敝之神以綿天運於常新人

道之否在乎多矧精任其洩氣任其虧神運不停形授不守故難回已憊之身聊居人世於朝暮然則養生者藥食為後保護為先學天道可也學古人可也

五劫篇

嗚乎悲哉凡人之有五劫也五劫維何生老病死苦也人豈不必生但當直而生正而生不可罔而生也生為聖賢天猶生也英靈在世聲名在世馨香在世與仙佛何異焉獨有生而惡生而暴生而酷者一生之後必不復生不必不與生正當與之生綿綿劫劫皆入惡趣受

無間罪。雖欲不生不可得也。生一劫也。如是而沉淪世  
上。困阨人間。不知回向。不識變遷。悠悠老矣。又一劫也。  
如是而精耗形枯。神亡氣竭。藥不能補。養不能回。懨懨  
病矣。又一劫也。如是而無常。忽至大限已臨。身家何處。  
妻子何人。匆匆死矣。又一劫也。如是而有惡。必報。有過  
必報。轉徙陰曹。啾啾啼血。是極苦矣。又一劫也。幸而托  
生有日。或命帶刀兵。或命帶水火。或命帶諸疾難。或命  
帶諸困窮。仍將流連於五劫之中。而無底止。不必說到  
刀山地獄間也。墮此劫者。非有因果。非有德功。不能消  
其罪戾。故人之一生。須要修善積福。返本還元。庶克同  
上春臺。咸登極樂。有生長。生長。不生。不生。故不滅。不  
滅。故超脫也。人其勉諸。

敬神篇

神也者。妙萬物而為言者也。上帝以神道設教。故神實  
司乎善惡。凡聰明正直者。皆以神之權授之。夫天神為  
申主。引萬物。地神為祗主。提萬物。此神德之蕩蕩者。百  
姓日受而不知。亦惟盡乎人以合乎天地焉可也。若夫  
嶽瀆郊壇。庵堂祠院。其間之豎碑立像者。無非振古之

精神。寺宇崇宏。聲靈赫濯。瞻望者莫不肅然起敬也。然而香火盛。則祈福之人多。禱告繁。則邀福之人至。神豈為人所愚哉。夫神之出處不一。要皆從正氣中來。魯語曰。聖王之制祀也。法施於民則祀之。以死勤事則祀之。以勞定國則祀之。能禦大災則祀之。能捍大患則祀之。加之山川社稷。皆有攻烈於民者也。夫曰法施於民。原不期人之報也。以死勤事。原不冀人之感也。以勞定國。原不望人之恩也。禦大災捍大患。原不待人之求也。廣功德於人間。原不俟人之祝也。即或春秋典重。齋誕頻

臨入廟者。亦止祈神靈以保我君國。而於已無與也。亦止祈神靈以保我父母。而於已無與也。亦止祈神靈以澤我民物。而於已無與也。亦止祈神靈以起度沉魂。滯魄而於已無與也。而且肅吾身。潔吾念。澹吾慮。濯吾肺。肝敬其心。以敬神焉。則不求福而自獲福也。是則敬神者。不如自敬其心之為妙也。凡人心即神。神即心。無愧心。始無愧神。可對神。仍可對心。抑非心之外。遂無神也。相在爾室。相在爾心。焉耳。有如天之神。棲乎日。日先所照。何處不明。人心之神。棲乎目。目先所到。何物不見。人

三才全書卷之二  
顧欲諂媚神祇以圖消其罪垢。豈可得哉。戒之曰。敬神之道有二。下流之過。不與焉。上士存心正大。立功行而至意遙深。居處之間。恐神鑒察。有福有慶。仍歸神恩。斯人也。雖未焚香秉燭。恭叩廟門。而已得敬神之大道也。中士存心謹恪。言帝天而身益震懾。善念之生。因神鼓勵。有功有德。必荷神庥。斯人也。抑或齋戒沐浴。參禮菩薩。亦可謂敬神之小道也。至於外飾小心。中藏大慝。紛紛往來。朔日穀日。神將曰。爾來乎。吾正索爾。勿諂我。勿瀆我。爾敬我香。我加爾鎖。歸去。革心庶乎其可。

### 愛人篇

萬物之生。惟人最靈。既靈於物。須愛其生。毋以陰謀陷人。毋以利器傷人。毋以藥物毒人。毋以權勢厄人。陷人傷人。毒人厄人者。明有國刑。暗有天罰。終難逃也。今夫飛物之能言。能舞。值物之有香。有色。動物之可馴。可玩。潛物之可育。可娛。者。人猶愛之。人豈不重於物哉。今觀爾世人。相生相聚。無相凌虐。出入往來。當思愛人之名。成人之名。愛人之功。成人之功。愛人之事。成人之事。愛人之利。成人之利。夫成人之名。即所以成己之名也。成

人之功。即所以成己之功也。成人之事。即所以成己之事也。成人之利。即所以成己之利也。皆愛也。其成人之名與功。事與利者。勿掩忠臣之忠。勿竊勲臣之勲。勿毀節孝之婦。勿謗童女之貞。勿妬能。亦勿假人之能。勿忌才。亦勿昧人之才。勿隱善。亦勿盜人之善。勿揚惡。亦勿效人之惡。勿陰阻人之進階。勿妄抹人之文字。勿敗人之盛舉。勿墮人之善行。勿壞人之良圖。勿損人之富壽。勿佔人之田土。勿弄人之賢財。勿助匪人。而奪仁人之風水。勿儻小人。而誘名家之子孫。胞與之懷難盡述也。

以故永命天尊。惓惓於勿辱善良。勿欺窮困。勿離人父子。勿間人骨肉。勿破人婚姻。勿侮人聾聵。以及救人之難。濟人之急。憫人之孤。容人之過。拯人疾苦。調人飢寒。提攜親族。賑濟鄰明。矜孤恤寡。敬老憐貧者。皆於人而愛之也。嗟乎天生億兆。為仁人用仁之地。為善人積善之場。果能推心廣博。保育羣黎。居富貴而愛人者。必裕後。居貧賤而愛人者。必能顯達。惟天佑善。惟帝福人。伊古以來。最多最速。故欲知處世之道者。吾仍勸之曰  
愛人

醫藥篇

醫之為道也。能活國。亦能病國。藥之於世也。能活人。亦能殺人。不可不慎其術也。中有理焉。學之無盡行之無窮。藥分君臣佐使。病分虛實。舊新。凡醫士皆能言之。而能知之者罕也。聖賢學問精而志氣益。下道德高而心懷益謙。操岐黃者亦宜如是。不可自輕。不可自誤。不可自欺。自欺欺人。自誤誤人。自輕輕人。其罪集於乃躬也。故此道立功易。取過亦易。積福難。招禍不難。欲求有功。無過有福。無禍則必兢兢自持。脉理微細。淺學難知。今

勸爾醫士。入病人之榻。先問從來。勿以藥試人。也。今勸爾病家。對醫士之前。先明原故。勿以命試醫也。以命試醫。咎在己。以藥試人。咎在醫。更宜扶危急。莫高身價。救困窮。莫計金貨。能洞見其症候者。即行拯拔。不能見其症候者。以俟高明。則積穩誠之善也。更勸汝儒學者。流多考靈方。細研醫旨。勿秘勿妄。利己利人。范文正陸宣公。人臣之心思。且於醫三致意焉。人可忽於醫道哉。

相卜篇

上人有相。下人有相。中人無相。上人有命。下人有命。中

人無命。惟上與下。性受難移。不必論也。茲惟爾中人。不上不下。可上可下。或上或下。不上不下。仍是下。可上可下。猶是下。或上或下。終是下。離下絕下。乃非下相。自我改命。自我造。古人有言。不汝欺也。即操相算者。亦止相。汝身難相。汝心亦止算。汝命難算。汝德不能相。汝心即不能相。汝身也不能算。汝德即不能算。汝命也。莫受相者。愚心智於相也。心體正好相也。莫被算者。鬼德神於算也。德性堅好命也。吾願爾世人。自相自算。吾願爾相者。勸人修心。吾願爾算者。勸人積德。一切骨氣。且照書

設一切運氣。且照書推。推已復言德。設已復言心。寓勸化於相算之中。麻衣三祖。子平先生。必賜爾等衣飯矣。

堪輿篇

惟天覆善惡。惟地載善惡。惟仙師為天地埋藏善惡。天無私覆。地無私載。仙師無私恩。人有私欲。則見理不明。地理者。天理也。既有天理。即無人欲。故此道惟聰明正直。聖人賢士。乃克言之。今汝世人。妄設風水。冒瀆山靈。舉親骸以求福祿。對時師以論殃祥。或代搜求。或自尋覓。賺人貨財。要人誇好。如此人心。安知天理。十箇堪輿。



九。箇。窮。何。足。怪。也。仙。師。賜。地。吉。人。與。吉。凶。人。與。凶。吉。不。受。恩。凶。不。受。怨。理。自。公。也。心。自。明。也。吾。嘗。與。人。講。堪。輿。即。以。堪。輿。兼。報。應。亦。是。如。此。夫。司。地。者。仙。師。也。職。既。與。仙。便。不。與。凡。人。向。凡。夫。求。地。何。不。向。凡。夫。求。仙。

張三丰先生全集

漢嘉長乙山人李西月重編

張道淵子深氏敬書

閩中朱道生晚成子敬刊

姪 瑛 春城  
男 朱 瓚 素園 全校字  
瑄 礪 溪

戒淫篇

天道無往不復。此理有固然。事有必至也。人生天地間。稟五行之秀。具剛正之氣。夫婦婦人道之常。越禮亂倫。等諸禽獸。淫邪之行。志士所當力戒。夫天下蠢然者。

莫如物。乃睚鳩定偶而不相亂。哀雁孤鳴而不成行。人不如鳥。負此人名遜物之靈矣。奈此蚩蚩之氓。不解色。即是空。同於幻泡。猶羨紅顏綠鬢。恩愛纏綿。豈知人同此心。返觀可悟。爾等於淫人婦女時。轉思吾婦女若伴淫人。爾必心中如刺。眼內如火。奮擊追殺。刻不容緩。何至以我淫人。自鳴得意乎。此時天地鬼神。臨之在上。質之在旁。瞋目切齒。謀為報應。災禍之至。定不旋踵。與言及此。能不寒心。又况捨身利劍。碎首隣階。陽臺之夢。未終。泉臺之局。已掩。青磷碧血。皆紅粉之戀。為之美人原

是胭脂虎。豈不信哉。即不至此。强者鳴官。弱者隱恨。宗族含不解之羞。夫婦絕百年之好。死生莫測。禍變多端。或隱圖報復。或暗地傷殘。至若夫若子。世玷清名。永為話柄。是殺人之慘。只及一人。而淫污之毒。不啻殺其人於數世也。夫好色之人。已身不正。一種柔腸媚骨。不能制人。必多為人所制。由是徇私情。廢孝友。父母兄弟。棄置不顧。舍此一好之外。懵然無知矣。由是妻妾子女。失所防閑。任其穢亂。閨闈。默為報應。亦必懵然無知矣。且好淫者。子孫必多夭。後嗣必不蕃。何則。我之子孫。我之

精神種之。今以有限之精神。供無窮之花柳。譬之以斧伐木。脂液既竭。實必消脫。其所生之單弱也。在所必然。薄之又薄弱。弱之又弱。覆宗絕嗣。適得其常。淫禍之烈。可勝言哉。嗟乎。人壽幾何。百年一瞬。縱不顧名節。不守身命。未有不念及子孫。謀及血食者。苟一計及方。追悔之不暇。又何娛樂尚思。逞慾哉。若夫空門清節。孀寡冰心。更不比一切九物治容。僅云品行所關。身家所係。其為不可。無容多贅。是在有志者。清心為基。知恥為用。堅忍為守。戒懼為志。持之以不苟。養之以湛。如舉凡誨淫之

書。付與祖龍。狎昵之友。擯不與通。殫精會神。圖為有益。將見何名不立。何利不收。而五福之休。畢集我躬矣。豈非理有固然。事有必至哉。是為勸。

此原作也。常州孫念劬曾刊於全人矩矱中。

戒淫文

天地生人。稟五行之秀。具兩大之精。夫夫婦婦。人道之常。草花狹邪之徑。倘窺牆鑽穴。越理亂倫。是如豕之寄。狗之合。鴛鴦之在野。鶉鴿之混巢。則人也。而等諸禽獸矣。况夫物之蠢然者。亦有時知其配偶。關睢定位。

而不亂。鳳凰于飛而長偕。人不如鳥。又何人之足名乎。奈何蚩蚩者。氓不尋禮義之防。每犯邪淫之戒。紅顏綠鬢。恩愛相纏。竊玉偷香。顛狂日甚。豈知人同此心。即同此理。人同此理。即同此情。我願爾欲界中人。於欲淫人婦女時。回頭猛省。設若吾婦女被人牽染。枕邊調笑。曲盡綢繆。而以己介於其旁。目睹此種情況。未有不刺眼。焚心。張拳怒髮。奮擊交加。刻不容緩者。吁嗟乎。人同此情。即同此理。人同此理。即同此心。污一人。污其數世。污他人。仍污自己。淫欲之念。不可不急除也。犯淫之報。戒。

淫之書古聖先賢條例最多。惟願回頭者。覓而觀之。

### 敬日月文

天地之有日月。猶人之有兩目也。目之所視。喜潔淨。喜端方。人人皆然。今使人對爾目而便溺。必怒甚。對爾目而澡洗。必羞甚。對爾目而咒罵。必恚甚。奈何昭昭下視。而不加敬也。且自有日月。而後陰陽分。晝夜別。視見明。是故日西沉而白晝盡。人有目而昏昏焉。月西落而清夜晦。人有目而茫茫焉。人得日月之照臨。人竊日月之光耀。人不知日月之至德。可乎哉。今勸爾世人。存敬畏。

三才全書卷六  
心體尊仰意。勿對日月便溺。勿對日月澡洗。勿對日月  
咒罵。對日月便溺者。則有十萬神煞。激射其人。必得奇  
病。對日月洗澡者。則有十萬陰共。針刺其骨。必得寒疾。  
對日月咒罵者。則有一萬糾察神。默記其過。從而因厄  
之。從而殄滅之。故日月不可不敬也。世人勉之戒之。

勸世修理墳墓文

嘗思屋舍為生人之宅。墳墓乃亡人之家。瓦漏牆圯。風  
雨飄灑。生人不能安也。土崩樹朽。蟻入蟲鑽。亡人奚以  
安乎。今勸世人各培祖墓。有力量獨任其功。福之來也。

已受之無措施。自出其力。靈之妥也。廢隨之勿恤。錢財  
勿惰心力。家業素豐者。須知今日之榮耀。仍是祖人之  
遺留。家道崛起者。須知今日之亨通。仍是祖人之孫子  
於我何功。於我何德。生前衣我食我。高厚之恩。難酬。死  
後朝思暮思。泉壤之地。宜切。世世培修。子孫還厚。  
爾年年補葺神之善報。益覺神不信者。天貧死絕。寒微  
誠信者。壽富安康。貴顯。嘗見佳城冷落。即知後世荒涼。  
石碣卧寒。烟子嗣。墮頽者。幾姓荒邱。埋腐草。兒孫墮敗。  
者。子家人熟無情。誰能遣此。吾今說箇常情。爾當明其

三才全書卷一  
道理講風水者培沙枝。觀瞻尚取其包護。修墓基者為臺砌。地脈尚不肯傷殘。而且尋常百姓之家。甫葬先骸之日。兩旁密種疎籬。一抔勤累土石。如何。前日經營。忽到後人荒廢。今諭爾等。人人拜掃好土。宜加歲歲游觀。惡木宜拔。斯墳頭無缺陷之害。脉氣彌蒸。佳城有茂草之生。樹根安入。相靈安妥。賢嗣繁昌。若違吾訓。定遭神譴。

俯仰沉吟蒼涼感嘆絕世丰神

地理說

地居三才之中。言地理而天人之理即相應焉。人欲相地。天亦相人。人欲擇地。地亦擇人。世間固多有設地之理者。然亦知有得地之理乎。設地之理。人主之得地之理。天主之而地復為隱之而顯之。夫知地之難求。而即不求其地者。不可也。然知地之難求。而猶欲強求其地者。亦不能也。昔子平先生有云。地理之說。本不為廢後而起。然後嗣取以安先靈。先靈即以福後嗣。此一以貫之之道也。今夫地有三等。而得地者亦分三層。上等之地上。應星象下呈輿圖。天地生成卦行安定。全是天工。

而人力不與焉。此等惟聖賢豪傑。大有德行陰功之士。乃能得之。中等之地。亦係生成景象。然有變化於其間。八卦相盪。五行相推。一團真氣。隱隱隆隆。此等惟老成忠厚。小有德行陰功之士。乃能得之。次等之地。一山水隨地鋪陳。十里一見。百里再見。無處非有。無處不可求。然亦要知龍之來。歷山之向。背土之顏色。妙於裁取。巧於安排。以山川合羅盤。不可以羅盤合山川。地人相得。始得其平。此等凡老成忠厚。無怨無惡者。即可得之。此三等之大義也。而其下不足議矣。並無吉地。以處不善之人也。生眠吉壤。豈易言哉。嗟乎。人雖善相夫地。天亦善相夫人也。人雖善擇乎地。地亦善擇夫人也。可不勉為吉人。以得吉地也哉。吾見世之求地者。甚多因作地理說。以醒之焉。

張三丰先生全集  
漢嘉長乙山人李西月重編  
張道淵子深氏敬書

張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪

瑛春城

朱瓚素園全校字

男

璜磻溪

斗母元尊九皇真經

祝香讚

天中斗心中斗敬斗先敬心敬心還敬斗心符七返七  
數合九還九寶鼎焚香皈依斗母三沐三薰稽首頓首



志心皈命禮

太初神后。天竺聖人。主宰魁罡。往來印度。躬居高上之境。極建大中之天。統攝萬靈。游行三界。丹成九鼎。道濟羣生。大悲大願。大聖大慈。一炁梵王。先天神后。摩利支天。斗母無上元君。

志心皈命禮

至真傳道。太清選仙。居武當而啟教。為文始之正傳。如癡如醉。混仙跡於麗春。教孝教忠。闡玄風於華夏。度萬三於滇海。婿女同升。續龍虎之神通。道法兼備。十方寶

筏。三教宗師。大悲大願。大慈大仁。至玄至妙。至奇至神。東華首相。三清外臣。雷霆神吏。靈寶天師。太和一炁。始祖。道通文遠。真君。通微顯化。天尊。

志心皈命禮

玉清內相。金闕選仙。化身為三教之師。掌法判五雷之令。黃梁夢覺。忘世上之功名。寶劍光輝。斬人間之妖怪。四生六道。有感必孚。三界十方。無求不應。黃鶴樓中。留勝蹟。紫芝洞內。煉靈砂。存聖像於雲崖。顯仙蹤於玉宇。闡法門之香火。作玄嗣之梯航。大聖大慈。大仁大孝。開

山啟教。玄應祖師。天雷上相。靈寶真人。純陽演正。警化孚佑帝君。興行妙道。天尊普度先圓。自在文尼真佛。

開經玄蘊咒

一炁胎無極。先天先地根。洞虛含造化。恭肅候神明。月吐白毫相。雲歸赤色門。天潢隨轉運。帝輦不留停。德合三元理。功傳九子靈。巍巍真父母。郁郁古經文。至道包玄妙。真人體至誠。虔心能感格。萬古習長生。

先天神后斗姆元尊大道九皇真經

爾時

先天道后斗姆元尊居一炁梵天斗樞宮內。與周御國王斗父天尊俱俯觀下方。有一真人。姓張名通。道號崑陽。乃係九皇第五天禽臨凡。修道於北元南明之際。寄跡繫我福泉山。虔誠禮斗。候詔飛昇。斗姆慈心感動璇璣運處。劃然一聲現出光明妙相。乘七豕之車。一時辰內。即降真人禮斗壇中。結彩雲懸寶座。而為說此九皇真經。真人稽首頓首。伏拜座前。

是時

斗姆告真人曰。起。吾語汝。吾即摩利支天。萬泰陽也。天

皇之前。吾已出世。地皇之光。吾住西洲天竺國。運大神  
通。往來印度。繼見北洲鬱單越。周御國王。辰祭從心。慈  
好善。因往助之。覓淨土。築垣闕。持書。戊己之官。實養金  
胎之室。一團神氣。三次起脫。為生聖嗣。九頭。長曰天英。  
是為人皇。後陞玉真仙靈。二曰天任。三曰天柱。四曰天  
心。五曰天禽。六曰天輔。七曰天冲。八曰天芮。九曰天蓬。  
瓊林玉蕊。亭亭森森。是為九子。是號九皇。人皇與羣季  
分治九州。稱居方氏。仁風灑蕩。普惠羣生。九皇昇舉。子  
母同居。元始稱吾為先天道后。以著養育九皇之德。鴻

鈞在手掌。握斗樞。九皇上映九星。九星環遶一垣。君憑  
一炁妙。更化七元君。九辰或下世。七元代運行。

斗姆曰。若世有修德行道之人。敬問九皇所司。七元所  
代者。但與說北斗列星。其所宰皆可知也。斗為天車。運  
於中央。臨制入表。燮理陰陽。建四時。和五行。定諸紀。移  
節度。均繫於斗。一為天樞。主陽德。二為天璇。主陰刑。三  
為天璣。主福善。四為天權。主禍惡。五為玉衡。主生殺。六  
為開陽。主百穀。七為搖光。主六師。入居開陽之左。名曰  
輔星。九居搖光之右。名曰弼星。皆所以佐斗成功者也。

三才全書卷十  
於是說大聖北斗九皇星君列號曰。  
大聖北斗九皇第一陽德貪狼星君。  
大聖北斗九皇第二陰刑巨門星君。  
大聖北斗九皇第三福善祿存星君。  
大聖北斗九皇第四珍惡文曲星君。  
大聖北斗九皇第五生殺廉真星君。  
大聖北斗九皇第六樹穀武曲星君。  
大聖北斗九皇第七統師破軍星君。  
大聖北斗九皇第八左輔洞明星君。

大聖北斗九皇第九右弼隱光星君。

如是星君名號燦著天文掌。延生注死之籍。司福善禍淫之權。天子諸侯公卿士庶一切生命均屬斗宮。若有善男子善女人。身遭老病種種苦趣。但能悔罪消愆。誠心禮斗。誦此大道經。訓燃點九皇神燈。照護命宮。自然轉禍為福。化殺為祥。所有效驗。不可具述。

斗姆曰。北斗之迴旋。端望七元之返復。其體坤中乾。其性柔中剛。道闡妙中妙。氣稟陽中陽。秦末之年。顯化西漢。現身說法。面服高皇。若有祈福善人。欲睹七元金仙。

大聖之儀者。必先掃除塵念。清淨心源。恭身頰首。冥目靜觀。天樂浮空之際。自現金容。自露金身。有若麻姑神像。有若上元夫人。女子英雄之氣。慈悲普救衆生。但得七元君涉降於中庭。諸邪皆歸退。百福自駢臻。於是說北斗七元解厄應驗咒曰

大聖北斗七元君。能解一身厄。

大聖北斗七元君。能解二豎厄。

大聖北斗七元君。能解三尸厄。

大聖北斗七元君。能解四殺厄。

大聖北斗七元君。能解五賊厄。

大聖北斗七元君。能解六淫厄。

大聖北斗七元君。能解七傷厄。

大聖北斗七元君。能解八難厄。

大聖北斗七元君。能解九橫厄。

大聖北斗七元君。能解十魔厄。

聖哉七元君。福及信善人。

有疾皆能解。無常不敢侵。

神於醫治病。應似谷傳聲。

欲睹光明像。

焚香候月生。

斗姆曰。七元返復。又望九皇迴還。敬七元者。能使人却死。延生敬九皇者。更令人成仙作佛。若有善男女。先禮七元高真。復禮九皇大聖。其居家住宅。必有甘露下降。醴泉發生。掬而飲之。返老還童。金光罩體。再於九皇位前。一週供儀。九載行待。功成行滿。跨鶴昇空。禮斗善報。有如是者。於是說北斗九皇應驗咒曰。

大聖北斗九皇君。能解一切厄。

大聖北斗九皇君。能解二曜厄。

大聖北斗九皇君。能解三災厄。

大聖北斗九皇君。能解四緣厄。

大聖北斗九皇君。能解五蘊厄。

大聖北斗九皇君。能解六塵厄。

大聖北斗九皇君。能解七殺厄。

大聖北斗九皇君。能解八風厄。

大聖北斗九皇君。能解九幽厄。

大聖北斗九皇君。能解十纏厄。

神哉九皇君。

恩光遍九垓。

無障無災體。

不生不滅身。

往來勤度世。

天地普遊春。

道法無邊際。

祥雲護上真。

斗姆重告真人曰。七元九皇皆吾先天一炁相接而生。一炁之動靜。陰陽晦朔。晝夜昏曉。皆倡率焉。一氣之造化。五行八卦。河洛易數。皆渾括焉。年月日時。天干地支。東西南北。山川海嶽。卵胎濕化。無非一炁之所在。大無不包。細無不入。信之者生。背之者死。從之者昌。違之者亡。三教大罪。均宜知此。汝本九皇第五天。禽下界。不恃

前因。只憑現在。現在能修。前因可續。七九功成。將臻聖境。故吾說此經典。名曰先天一炁九皇真經。吾說汝傳。最為親切。此經在處。萬靈守衛。千聖稱揚。三元梗概。一氣相連。熟讀此經。克離死生。熟讀此經。克悉玄因。實而傳之。非人勿示。

斗姆說經將畢。天仙列宿來迎。還於斗宮。是時真人受得妙法。上對斗姆言。某今誓願流行。以傳善士。若有男女受持讀誦。我當與斗中仙官所在擁護。於是再拜斗姆而說讚曰。

家有九皇經。 本命降真靈。

家有九皇經。 父母保長生。

家有九皇經。 七祖皆超昇。

家有九皇經。 九玄亦登真。

家有九皇經。 諸厭化為塵。

家有九皇經。 萬邪自歸正。

家有九皇經。 眾惡永消清。

家有九皇經。 十簇自生榮。

家有九皇經。 長保亨利貞。

斗姆曰善哉善哉汝可宣揚正教功德無邊接引後

同修道果真人稽首禮謝信受奉行

先天神后斗姆元尊大道九皇真經

先天純陽氏孚佑帝君曰某昔與涵三大象敷說瞻星

禮斗章以為世傳斗科僅有禮拜之儀而少祕密之訣

今觀

斗姆元尊與崑陽真君所說九皇經典渾三元之大道

明一炁之靈通足與

太上五斗後先同揆也。上士修之必能超凡入聖中士



悟之。亦可見性明心。普願三千大千百世萬世中人。皈依崇奉。功德無量。某今為禮斗之士。宣列科條。凡習九皇真經者。先要清除斗室。屏息塵緣。面北稽首。端拱而立。恍如

斗姆天容降臨在上。又如千真萬聖環侍其間。然後虔誠禮斗。身欲其端。心欲其正。神欲其定。意欲其慧。氣欲其和。聲欲其平。升降有節。進退有文。起止有儀。與伏有度。先拜睿號。次誦真經。誦經禮畢。復持斗咒二章。某雖不敏。竊嘗考諸道藏佛藏。而知斗姆梵音有數十餘條。

不能使人遍持。茲將藏經所載。簡切靈應者。與諸善士一宣揚之。

斗姆心咒曰

曩謨囉怛曩多囉夜野怛你也他。阿迦摩臬。摩迦摩臬。阿怛馱曩摩臬。摩里支野摩臬。曩謨粹都帝囉乞以囉乞以。唵娑縛娑喻鉢捺囉。吠毘藥娑縛薩怛縛難左娑縛怛囉。娑縛娑喻鉢捺囉。吠毘藥娑縛賀南無三漫多沒馱喃。唵嗎哩嗟咄娑訶。

梵音便讀

南無來旦拏。多來夜野。旦你也拖。阿迦摩徒。摩迦摩徒。阿度摩徒。十不來摩徒。摩訶卜不來摩徒。阿旦陀拏摩徒。摩利卜野摩徒。拏摩歲都帝。來吉槎來吉槎。牟沙鞞薩。旦鞞爛左。沙鞞旦來。沙鞞娑子不納來。費皮藥。娑鞞賀南無三漫多母馱南。安麻利。即芒娑訶。

又宣揚北斗心咒曰

唵。吽。底。哪。吸。吸。哪。囉。嚩。哪。啐。但。哪。吐。啐。哪。啞。頓。哪。啞。哪。啞。哪。吽。吽。吽。吽。俱。祇。帝。餘。蘇。吒。阿。若。密。吒。鳴。啞。吒。俱。嗜。吒。啞。嚩。啼。吒。啞。微。若。吒。俱。囉。啼。吒。嗜。摩。吒。薩。婆。訶。

梵音便讀

唵。勾。底。那。及。及。那。羅。婁。那。昔。答。那。止。昔。那。拔。頭。那。拔。耶。那。唵。吽。吽。吽。俱。祇。帝。餘。蘇。渣。阿。惹。密。渣。烏。都。吒。俱。耆。渣。波。賴。帝。渣。耶。微。惹。渣。俱。羅。帝。渣。耆。摩。渣。薩。婆。訶。

純陽帝君宣述斗咒已畢。真人百拜稽首而說。統讚曰。福泉峯頂。秋月三更。長空一碧。淨無塵。天姆慈心。感格降山亭。說法臺前。仙花燦燦。馨候忽到。而今字佑。帝君述咒補真經。大悲大願。天姥亦歡欣。

先天神后摩利支菩薩斗姆無上元尊九稱

願以此功德。  
我今得受持。

普及於一切。  
光華傳萬劫。

張三丰先生全集卷之

漢嘉長乙山人李西月重編

張道淵子深氏敬書

閩中朱道生晚成子敬刊

姪

瑛春城

朱

瓚素園全校字

男

璜磻溪

前三教上聖靈妙真經

三部真經筆仿黃庭。其言本勸人頂敬神聖。而却於金丹之道亦具其中。字面字義皆可奉行。愚本不敢贊一辭。因奉師手授。並命其即授為註。愚乃退而註。

之三  
之題解曰前指太極之先。三教謂立命了命復命之傳。上聖喻言上品金丹靈比先天元神。極隱微而難測。妙含兌中少女。納震男之陽光。真經即真鉛也。昔上陽真人註太上度人妙經作題頌曰。太上端居太極先。本於父母未生前。度人度我真經度。若問真經。癸是鉛。愚於此題亦云。

孚佑帝君開經讚

先天祖炁。默默深深。琴彈法韻。笛奏仙音。香花滿室。似瑤林內院。沉沉無上。三尊聖駕臨。

先天祖炁。大藥也。默默深深。未判時也。琴喻致和也。笛喻調息。並喻空中也。香花句。比鉛花出鼎。末二句。實指一塵不染。至誠感動也。一偈已見全經之旨。

爾時洞玄張仙真。虬龍捧筆演真經。經言三教古聖人。

道高萬世享明禋。東周尼山素王生。冬月望日臨昌平。

周正建子冬月屬戌於西方悉達牟尼身。四月八日臨

今則屬九月十五日也衛城。商正建丑四月屬辰於十方三界太上君。二月十

五降威靈。商正建丑二月屬寅於幾千百載轉鴻鈞。元

炁足兮鍾聖英。天上地上此三尊。浩浩劫劫皆知名。  
爾時者爾即已我之對。時即陽生之時。先天大道皆  
自爾時發露。故說真經名用此語作起。祖師演洞朋  
經。晉秩洞玄洞無所不通。玄能窮其妙。今又演此靈  
妙真經。包括金丹大藥。虬屬陰龍屬陽。陰陽會於筆  
下。大道出於真經也。經言古聖人出世成道之後。受  
享萬代明禋。勉後學頂禮聖人。勉後學誠求金丹也。  
然此上聖三尊誕期不同。即可想先天藥產活子時  
亦不可拘。聖人要數千百載轉鴻鈞。元炁充足而後

鍾育其靈。此正如金丹之道。必越五千四十八日。然  
後金氣足而水潮生也。天地之上惟此三聖最尊一  
身之中惟此金鉛最貴。浩浩劫劫皆聞其名。得丹之  
後經浩劫而不壞也。

吾今敷說三聖經。水有淵源樹有根。願人體此三聖恩。  
歲逢聖誕抒虔誠。不須籙豆如朝廷。不須懺會鳴魚鯨。  
只須齋肅正冠巾。洒掃精廬絕纖塵。空虛室然銀燈。  
香篆盤旋一縷清。水菓茗花潔且馨。卑躬頂禮候雲軒。  
願保乾元亨利貞。願斷貪癡愛慾嗔。願習道德五千文。

願行三教游長春一念真參念不紛鴻庥下賜不因循  
三聖統該萬部神子福予壽誰阻臨  
祖師以敬聖人之意敷說真經則尊真經者即當如  
尊聖人先天一炁自虛無中出似莫測其根源而豈  
知陽產癸中實是水有源木有本但願人體念其本  
源之恩若逢真一炁臨必抒虔誠迎迓如值聖人誕  
期焉參同契曰至誠專密謹候日辰是也君子以此  
道為貴則籩豆之事付與司存懺會之徒任彼僧道  
我惟齋吾心肅吾神又室臨爐正冠岸巾而待以黃

房為精廬。玄關為虛室。纖塵盡掃。萬慮皆空。金銀

光現儼若明燈。銀燈喻鉛鼎也。一縷清香即是一陽

初氣。水菓茗花正佛家藥物之喻也。爾時水源至清

玉蕊初發。豈不潔且馨乎。參同曰。真人至妙。若有若

無。爾時要卑躬頂禮。曲聽旋視。則真人之雲輦方至

候真人如候聖人也。乾元亨利貞。比五行之攢簇。貪

癡愛慾嗔。須一絲之不掛。道德五千言說此真常道

也。參酌乎三教之訓。乃許大用當前。得之俄頃。永保

長春。故曰一念真參。鴻庥下賜也。不因循者。片晌結

三才金書卷之七  
成陽丹也。三姓會合於中宮。萬神皆為之聽令。故曰  
統該蒿部也。福我壽我。全在先天一身之識神。誰敢  
阻哉。

若把真經當真金。勝似人間凡鉛銀。至誠專密懷奇珍。  
汝家定許不空負。潤屋富庚辛。安居自在樂無垠。  
匪惟減壽而延齡。亦將立命以全形。暗中黑籍除幽冥。  
視履嘉祥瑞。靈與眼前已展大門庭。身後還育賢玉昆。  
積功累行洽比鄰。風行鄉黨化為仁。百年蟬蛻返瑤京。  
朱霞擁護登天門。

真經即指真金。祖師至此明說也。真金為長生命寶。  
豈是凡鉛凡銀所可則語。但當至誠專密寶若奇珍。  
則真金返舍黃白滿堂。夫豈復嘆家貧乎。潤屋潤身。  
安居自在。皆言凝合丹頭。真炁在抱也。陽丹到手之  
但如煉已築基。只堪減病延年。直可立命全形。長生  
久視也。斯時也。仙班題姓。黑籍除名。所謂罪垢凡塵。  
一筆消也。視履之間。安然澹然。大展門庭。丹爐暑仙  
人之府。再以陽丹母氣。擒伏陰丹子氣。煉成金液。九  
還復加以換鼎分胎。則金昆玉仲。箇箇會騎鶴也。由

是而隱顯人寰積功累行既度了我復度他人天符一到白日飛昇則朱霞擁護登天門矣上根道器須體經義實行乃可臻此勿謂終身口誦即可成仙也莫逢聖誕不關心念恚交加逞惡聲房中眠色並宣淫天神察奪難留停平時敬聖極忱忱到此尤宜戒懼深此刻全無頂禮情即此可以推居恒

人逢聖誕最要關心時值陽生須當用意若猶恚恚逞惡貪戀淫色未有不走真氣者非特自損其身天神糾察亦將奪其壽年待時煉已固屬忱忱入室臨

爐更深戒懼求鉛無鄭重之情則居恒煉已亦可推其不純也此節反覆誥誡詞旨極明  
吾願人人奉祇承洗心滌慮孤衷純視雖不見聽不聞儼然三聖乘紅雲宣尼威儀旭日暎釋迦法象秋月輪函闕紫氣來繽紛使人瞻畏時兢兢高山景仰彌慤勤士庶終非凡俗倫

敬聖者須致欽承求鉛者宜守靜篤洗心滌慮純兵衷以觀其復焉純與雜相反求丹純誠乃克有濟大抵氣定神凝則純欲動情勝則雜按候求鉛則純非



時妄作則雜。又况先天之氣。默默深深。無聲無影。不見不聞。夫惟恭已視聽。乃如有見有聞也。觀聖人之乘雲。若真人之出鼎。師所謂一顆紅光是至真也。如旭日者。陽光新現。初三之夕也。如秋月者。金水充足。十五之夜也。如紫氣者。真氣騰騰。玄關火發也。丹家言初三。又言十五者。初三象金水之氣。新十五象金水之氣。足氣不足。則水不生。初三十五。須在一時看。須作一串想。不可以數算計也。若以數算計。安得謂之活子時乎。初三之中。即無十五。初三則二分藥嫩。

十五則陽氣純全。黃庭云三五合契九九節。是也。此時進火。則有紫氣入關之象。否則稍遲刻數。即落後天。而陽丹難就也。故當要瞻望兢兢。勿失爻動之候。高山景仰。所謂形山對面迎真人也。丹家知此。雖士庶亦超凡倫。入聖之機。就在此一戰。成功人可不重其事哉。師傳口訣。盡洩於此。為同志告。

中天花雨遍乾坤。說法臺前氣象新。山河大地生光明。蓮社花開白雪春。上帝嘉憐演真經。遣神侍衛來丙丁。是日。是夜。月出庚。清輝朗映。虛危星碧。落隱聞蕭瑟。

捧爐信士望空迎。尊經為主身為賓。從此修持解邪祲。  
中天比虛無之境。花雨譬金水之生。虛無妙合乾坤。  
鼎爐在其中。天星地潮。正如遍滿乾坤也。說法臺煉  
丹所也。臺前之氣象何如。泥丸云。山河大地發猛火。  
張果云。開爐已覺放光明。此臺前之氣象也。蓮社花  
開白雪春。鉛花現如雪花白也。上帝喻心君。心愛真  
金。即運神火以煉之。悟真謂更假丁公煅煉也。是日  
是夕正逢月出庚方。雖明演經之時。正表求金之時  
也。清光吐露。照映虛危之穴。碧落簫笙。恰似承迎鉛

入。夫婦交歡景象。捧爐信士即指修丹之人。我投彼  
家。彼反主而我反賓。賓主浮沉。彼我顛倒。極是求丹  
妙法。從此修持得丹入鼎。則陰消陽盛。可解邪祲矣。  
天地不和。誦真經。風雷雨霽及時行。節氣不和。誦真經。  
春秋冬夏能調勻。邦國不泰。誦真經。東南西北慶咸亨。  
民物不安。誦真經。山陬水澤盡歡欣。九幽九獄聞真經。  
可超滯魄度亡魂。名山名院藏真經。可接羽士引高僧。  
誦謂修持也。天地比一身。一身之運動無常。則雨暴  
風飄。坎離奔逸。雷轟露冷。男女驚狂。欲使風雷雨露

三三全書卷之一  
之順布則必善修真經也。氣節言四時。四時之政令不審。則春卯秋酉沐浴乖違。冬暑夏霜陰陽反變。欲使春夏秋冬之合符亦必善修真經也。邦國此丹基真經安全。則東南西北皆共慶。民物亦比丹基真經。秦定則山陬水澤皆相懽。他如幽獄魂魄皆屬陰邪。得真經而陰退也。山院羽僧體存陽半得真經而陽全矣。

真經妙諦包層層真經首重聖誕辰。片晌信受亦生榮。矧能永保登上乘。千祥未可具敷陳。瑤函參透即蓬瀛。

巍巍宣說靈妙經洞玄主宰天師孫

妙諦層層承一段而總束之。民物邦國氣節天地其於築基煉己採藥和丹之層次密包其中。然此篇真經只重金丹大事。故開首即講聖誕。以比先天之生金丹以真陰真陽二八同類之物。擒在一時煉成一粒陽丹。其造化在片晌。人能片晌信受即能片晌生輝。况又保而不失。舉陽再以合陰丹煉為金液九還。豈非更登上乘乎。九還成就于祥雲集。人能參透瑤函則與蓬山不遠也。宣說此經。闡揚靈妙。若非洞參



十魔九難證圓通。石樓山上雲霞封。苦志精修神丹紅。  
拔宅齊昇直上冲。至今明月照蘿松。

靈應真經祖師下蒼穹。傳與人間何殊甘露下降也。  
三聖雖殊總一復性之道。總一守中之理。故皆位乎  
中焉。先倡後隨者前三聖倡之中。三聖隨之。有如金  
丹倡於前。金液隨於後也。參同云。卒得金華轉而相  
因。化為白液。凝而至堅。又曰。金華先倡。解化為水。金  
華者。先天一氣而已。功夫到此。聲教愈隆。當其先。三  
聖之出處各有不同。然皆是乾金之體。鍾靈毓秀。下

降天宮。恩佑世人。此亦如金丹入鼎。與乾交合之後。  
渡鵲橋上崑山。旋化為一盞醞醕。灌頂門而下。鵲橋  
歸黃房而結靈丹也。浩浩溶溶。實形美液之狀。此丹  
也。乃是集義而生。義屬金。至大至剛。天地不能陶鑄。  
又復尋聲而至。至此還救苦救難。甘露遍洒塵迷。他  
日破頂而出。矯若游龍。可參造化之功也。靈光如此。  
無非自修持。養育得來。亞聖之尚志。慈航之煉道。石  
樓之修丹。皆同此也。

吾願人間盡恪恭。仰瞻功德如高崧。若聞三聖誕期逢。



茗香馥郁水花濃。默誦真經蕩滌曾。如沾聖惠睹真容。  
儼然入廟調笙鏞。儼然入寺諧鼓鐘。池上龜浮聽敲筒。  
雲間鳳舞和絲桐。法駕青鸞白鶴從。有感即應慶重重。  
金液之生祖師願人敬重之。此箇誕期是比金液生  
時。茗香馥郁水花濃。比其香如酥甘如蜜也。盪滌曾  
襟。始沾金液之惠。結成靈質。如睹金光之容。此等道  
味非凡人所得嘗也。陳上陽真人云。刁圭入口。運已  
真火以養之。運火之際。忽覺夾脊真氣上冲。泥丸泚  
灑。然自覺似有物觸上腦中。須臾如雀卵顆顆自勝。

下重樓。如冰酥香甜。甘美無比。覺有此狀。乃驗得金  
液還丹。徐徐咽歸丹田。自此而後。常常不絕。閉目內  
觀臟腑。歷歷如照燭。漸次有金光罩體也。至於笙鏞  
以調之。鐘鼓以樂之。正金公與青娥相見時也。敲竹  
喚龜。龜聽我喚。鼓琴招鳳。鳳受彼招。此即悟真篇之  
旨也。青鸞喻龍之弦氣。白鶴喻虎之弦氣。龍吞虎啗。  
內外藥凝。有感即應。聲氣相通也。此言金液內藥必  
合金丹外藥。而後成功。慶幸耳。

儒生頂敬開明聰。緇流頂敬豁癡聾。聳羽人頂敬振昏聩。

蒙音莫將三聖分三公。三教殊途妙自同。養性存神萬里融。見性定神萬法空。玄門退步多英雄。煉性調神合其宗。

學真道之人無分三教。只要敬重靈藥。結為靈丹。則養性存神。見性定神。煉性調神。三教皆合一宗也。

真經諷出韻瑋瓏。瓏瓏琅玕相玲瓏。漲墨消除寶殿熊。世間當用赤紗籠。可以傳之戒商工。可以表之勉士農。可以訓世而課童。可以戶誦而合龍。供可以迪吉而免凶。可謂玉應而金春。真經細玩垂簾櫳。方知三聖身始終。

時雨化物生葱蘢。甘露洒天垂芙蓉。九篇文勢擁河灘。言言寶筏度人舸。

真經比金液。觸泥丸而有聲。故曰韻瑋瓏。結成大丹。則與佛家瓔珞。外丹琅玕。玲瓏相映也。漲墨除而寶殿熊。喻如鉛乾汞漆也。靈丹入鼎。百脈歸根。環匝闕防。運符包裹。即如赤紗籠也。衆生識此。皆可入道。參同云。覆謬衆文。傳世迷惑。遂使宦者不仕。農夫失耘。高人棄貨。志士家貧。吾甚傷之。祖師與魏伯陽同慈悲也。故為重言。可以以曉之人。能細玩真經。則三聖

之始終可知金丹之始終亦可知也。孟子之時雨。大士之甘露。文始之詞源。皆如此。金液大丹。真乃度世

寶船。

學儒學佛學仙踪。不知三聖皆凡庸。覆載林林與總總。  
忽願人頂禮。毋疎慵。三聖之書如菽菘。千門萬戶備飡。  
雍。主聖之道如穹窿。八方四極齊併蒙。對經思聖宜肅。  
雖靈臺勿始念。憧憧靜養天懷若稚種。主人明月白瞳。  
朧。時時刻刻戒輕鬆。温温存存加研功。經堂四面煖雲。  
烘。一粒心花含紫茸。入聖超凡由我儂。

人不知三聖之功。必皆墜落凡庸。人不知金液之道。必不能成神仙。願人對經思聖。願人照經煉丹也。煉丹之法。先要淨掃靈台。勿使念擾。合丹之後。又要靜養嬰兒。心如明月。時時刻刻。温温存存。此十月功夫也。經堂喻丹田。煖雲烘照。悟真云。內有天然真火。爐中赫赫長紅者也。結成一粒心花。則入聖超凡由我做矣。

莫忘君父違孝忠。莫學冥頑逞禪鋒。莫效旁門落空伺。下墮泥犁入鬼叢。三聖在天日。瞳矐顯良佑。善開陰濛。



真經傳出氣如虹。文光赫赫斗牛衝。高提長劍倚崆峒。  
天仙靈聖號三丰。

莫忘四句。戒人立大本。求大道也。三聖在天。明如皎日。默為良民善士。掃去災邪。此亦如九還到手。正陽立而諸陰散矣。經氣如虹。光赫赫而射斗牛。正如嬰兒出胎。破頂衝霄的氣象。今日之長劍高提倚崆峒。而說法者。即從大道得來。位登無上。三丰仙師也。

後三教大聖靈真經

後指丹成之後。此三教義取同歸。大聖即大道靈通。

則變化無方。真經者真聖也。

一陽何祖開經偈

修經圓滿普度良緣。香凝寶篆地湧金蓮。大儒大佛大羅仙。跨鳳登天。又見三尊聖象巖。

真經修圓滿。是指大道已成也。惟當普度良緣。位證至無上耳。此篇立意即如此偈。

洞玄真人張玄。玄懷抱真經與世宣。於今又說三聖篇。三篇九聖九陽全。梓潼文帝七曲巔。蓮摩初祖一莖蓮。孚佑獨撐大願船。派開南北道無邊。三聖靈通普八埏。

修身若行曾經年孝友仁慈功德完。廣行三教心拳拳。  
過江面壁志向堅。道包三教神閑閑。終南十試屹如山。  
大哉三教公能肩。人見無為樂自然。誰知有作在其先。  
祖師抱真常之道。重與世宣。又作第三篇。以全九陽  
之數。喻九還之成就也。三位聖人皆證大道。然皆自  
若行修來悟真。曰始於有作無人見。及至無為衆始  
知。正此意也。無為喻面壁之事。若云神通顯化。則是  
聖人之慈悲。却又有為於世也。

三聖慈悲滿塵寰。化蹟無方難縷談。十七世為卿相班。

陰騭文中常有言萬古宏恩。堪詠歎。續福星朗照徹微  
垣。東西土說大乘禪。少林寺上豈無緣。六朝衲子正紛  
然。非師誰與挽。狂瀾佩劍。遨遊遍海天。英雄男女授真  
詮。竒名約姓題山川。九州婦孺皆聞焉。

此段言三聖之分胎出神。靈通顯化。蓋望後之成真  
者。亦如三聖慈悲訓俗化人。黜邪扶正。朝遊北岳。暮  
宿蒼梧。普度良緣也。

今我宣揚志士前。功果須如三聖圓。成聖成佛與成仙。  
善心善量宜廣寬。若無德行培本元。動有羣魔作障纏。

道成混跡隱爐臺。山階他日乃高遷。

此段勉後人上希三聖敦崇功果廣修德行。而後能成大道也。

三聖之心如醴泉沛澤長流濟後賢。向使清河忘人間。何必現身為宰官。向使多那隱湟槃。何來五葉下西乾。向使田翁永隔凡。誰度何王與劉韓。三聖之心最纏綿。後塵誰步許誰聯。

此段即三聖之功德而反言之。若使三聖道成全無顯路。安有若大慈悲若大法派哉。誰步後塵。雖似祖

師自喻亦以勉勵後學。

今我敷辭不憚煩。望人精進窮瑤函。文祖真經闡妙鸞。註參大洞包靈丹。達祖真經見詩緘。珍藏腹內養泥丸。達麻祖有詩句云腹內運真經泥丸別主賓呂祖真經極大觀。詩詞歌論韻。珊瑚萬人皆度萬人歡。巍巍寶駕駐雲端。

此段言三聖著述皆以上品丹道為主。文昌帝君本以儒而參明大洞。得成神聖者也。聖賢何嘗不學仙道耶。達麻祖師亦以佛教似煉金丹。得成神僧者也。是真佛釋。何嘗不求仙道耶。而呂祖則不待言也。萬

人皆度。二聖婆心不已。見三教之同源哉。

我願羣生頂禮虔。每逢吉誕。焚旃檀花。水果燈潔且鮮。  
塵埃淨掃。豁松關。默誦真經。見聖顏。一輪海日上。三竿  
萬里朱霞照。大千恍如聾啞。捧華鬘。宛如飛錫半空旋。  
又見紅雲起碧藍。笑迎黃鶴舞翩翻。天神天將搖雷鞭。  
三聖凌風入紫煙。

此段即三聖之法象靈通。喻出神之妙用。言誕比脫胎之時。松關比上丹田。塵埃脫盡。方是還虛見聖顏。喻見己身法象也。日昇霞照。喻神光也。三聖之法駕。

即比今日之法駕也。神將雷鞭。所謂天丁迎衛霹靂一聲天外天也。

莫道凡沙難求攀。至今訓草如邱壘。莫言隻履遺市廛。至今蓬髮尚迴還。莫謂棲真只涵三。至今常降嶽雲壇。此段言三聖之靈通。不但當日道成。顯化人間。即今教訓人處。其神德猶未已也。頌曰。性量圓滿。法周沙界。萬緣雖息。一真自在。見種種相。及萬萬代。引導羣迷。真修不壞。

頌語種好

於戲三聖澤咸沾。願人凜凜對莊嚴。為演真經作疏箋。

不須問卦與祈籤。只須積德養清廉。自有神麻疊次。單  
文昌筆錄皆誣傳。胡僧棒偈那須參。靈寶畢法休研鑽。  
真經妙諦挾鉞砭。瑤臺說法掀美髯。

此段言沾三聖之澤者。必體三聖之真道。祖師真經  
即當修行之士。一通洪願疏文。但願積德養廉。修成  
大道。不須打卦求籤也。道成之後。神麻疊賜。有如天  
符累詔。他如妄學筆錄。求文帝開悟聰明。妄設棒偈。  
謂佛法原來如是。修持靈寶。只圖却病延年者。皆非  
三聖之真傳也。祖師作三篇大經。標明大道。正可為

世人鍼砭。古仙云為甚。此心開大道。只因原向道中。  
來祖師慈悲之心。不又與三聖相同哉。師髯最美。當  
年遨遊雲貴人。皆呼為美髯張公。登臺說法。如見掀  
髯微笑也。

張三丰先生全集

漢嘉長乙山人李西月重編張道淵子深氏敬書

閩中朱道生晚成子敬刊

姪

朱

璜春城

璜素司全校字

男 璜 璜

洞玄度人寶懺諸天無上真經

開經偈

大和一氣轉鴻濛。演教人寰霽日紅。包羅萬象森羣  
峯。慈愛文章錦繡胸。鼓鑄元黃氣。潛明橐籥風。經為

天口話高穹

爾時

金闕至尊

玉皇上帝端拱彌綸之境高臨醜摩之天紅雲捧座身現三十二色寶光照臨下界

睿念惓惓因降

玉音垂訓左右諸弼而白衆言方今海宇羣生沐承平之化多鄉善之人但有獨善必須無善若無善即非善善汝等願力宏深更須乘時闡教默贊

熙朝仁風遠播化雨長施慈悲度越羣倫仙秩還超聖境是時

玉虛師相

真武玄帝稽首上言臣自黃帝時養真太和克成上道叨侍紫霄迄今四千餘載始生一人天師之後號曰全一廣立功行有大神通闢邪演正敷訓元明南極會上曾封為繼武真人謂其光顯太和追蹤臣後

玉清至尊封為廣慈普度

上清至尊封為飛龍濟世

洞玄經

三才全書卷之十一  
太清至尊。封為文遠真君。西南諸省。屢受鴻麻。臣念此  
真足當鉅任。但恐職微。難宏普教。

至尊加寵。必不負恩。現詣

昊天。敬申高聽。

至尊聞奏。喜暢天顏。勅宣陛見。毋致逡巡。真君乃從。容  
入。覲稽首。座前。玄光覆頂。聖眷欣欣。

帝曰。卓哉。爾全一真君。深明大道。師相稱揚。已知爾德。  
果能推心。浩遠。暢發玄經。佇命仙苑。史臣代製寶誥。錫  
爾光榮。茲將爾全一真君。晉秩洞玄帝君。玉虛右相。參

法天師。監察無方便。宜行事上下。八極任爾游行。有功  
無過。再申寵錫。

玉音下垂。真君拜命。

帝受拜已。乃退黃金之殿。居赤玉之宮。昊天師相。即命  
玄天侍從。導引洞玄帝君。流覽北極。宴叙三朝。與諸真  
列宿。洗程餞送。乃復遨遊。

三清懇垂寶訓。

元始天王曰。天地未判。鴻鴻濛濛。五居十內。玄統黃中。  
胚胎萬物。涵養三才。靜而生動。混沌初開。



要言不煩

又說最上法言曰。太和之氣。種於乾父。震為長男。生自坤母。出日入月。闢門闔戶。掌握陰陽。為道根祖。人若遇之。壽延萬古。

靈寶天王曰。順道成人。逆道成丹。造丹之法。以讓以謙。立中生正。兀兀騰騰。下閉地戶。上開天門。人若見此道。悉長存。急急如律令。侍衛我法身。火符驅萬邪。一點注黃庭。

道德天王曰。至道之精。不在繁言。外緣屏去。神注丹田。人心忘忘。天息綿綿。往來內院。順彼自然。或長或短。或

要言不煩

後或前。生氣灑灑。如車轉旋行之純熟。便可成仙。

諸天訓已

昊天使至。復賜瑤函一章。並錫寶珪寶印。寶劍寶冊。九德偃月冠。七星如意簪。素綃綺霞之帔。紫綃華袞之裳。羽屬絳綵之裙。八寶銖衣。元光玉履。飛雲金輅。羽蓋瓊輪。仗九光之節。予十絕之旛。前踞雙鳳。後隨八鸞。千乘萬騎。朗耀清虛。闕謝恩返。躬無既。帝君乃拜辭。

諸天上聖奉教推行。

洞玄帝君降行雲之閣。開度世之航。爾時漏天久雨。暑

開度世之航。乃此一

月疑寒。人民怨咨。稻梁淹浸。法筵初起。瑞霧團團。佳氣頻臨。清風灑灑。朗星照水。曙日出山。乃登妙臺。用開寶訓。

帝君曰。大哉。至道之微。以言洞達。至道之精。以言明徹。經可為法。尊聖經以法。吾法經本常道。尊聖經以道。吾道非有法相。非無法相。日用行習。即法相。非有道名。非無道名。事理倫常。即是道名。從經者昌。違經者亡。吾普法言於薄海。吾宣道妙於遐方。吾引善人於仙鄉。又言天人之間。只有福善禍淫兩條。是故作善者降之。

千祥。不善者降之百殃。修身之士。止於至善而心定。塵不擾六根。由是三尸去。五賊除。尸賊不能逞其毒。毒害不能近其身。積善之中。有驅殃之法。焉。非積善之從而乃有善報也。實去惡之時而已。無惡報矣。三聖大臨。善量無邊。三聖大經。善緣普度。人何不勉而行之。

帝君曰。經典聿成人。宜遵奉十方大衆六合羣生。敬奉瑤章。須知寶訓。夫讀書須當為己。而演經先在濟人。慈悲廣注福祿來崇。茲諭爾善男信女。每值良辰。焚香禮拜。或居靜地。掃閣繙書。須存三大願。廣以無量功。一願。



三三金書卷十一  
中央黃老元皇上帝

周御國王斗父天尊

摩利支天斗母元尊

諸天諸界諸尊聖父大帝

諸天諸界諸尊聖母元君

日宮太陽帝君

月宮太陰皇君

三元三品三官大帝

五方五嶽諸尊天帝

三十六天一切尊帝

九天開化文昌元皇道君

西來開化釋迦牟尼佛王

普陀顯化靈感觀世音王

然燈古佛玉虛明皇大帝

北極真武玄天仁威大帝

佑聖司命帝君

翊聖保德帝君

玉清首相關聖帝君

三三金書卷七  
天樞上相武侯帝君

太初宮元鐵祖齊陽帝君

金闕上相鍾祖正陽帝君

玉清內相呂祖孚佑帝君

玉清侍節韓祖恆陽帝君

普化玄覺張祖飛陽帝君

太清上相曹祖洪陽帝君

西華清妙何祖一陽元君

上清真宰藍祖養素帝君

◎八真派演一切廣道真君

太清右相劉祖海蟾帝君

上清右相再祖重陽帝君

符陽卯真君

紫陽張真君

◎南北二派列位真君

龍虎正法輔元演教正一始祖

◎龍虎掌法列代仙師  
太白救化青蓮先生玉清文妙真君

蘇文忠公東坡先生衡文翼道真君  
蘇文定公頴濱先生衡文輔道真君

◎歷代文儒一切得道真君

上清首相隱仙寓化猶龍二祖文始先生  
上清真宰隱仙寓化猶龍三祖麻衣先生  
太清靜宰隱仙寓化猶龍四祖希夷先生  
上清右相隱仙寓化猶龍五祖大龍先生  
玉虛右相參法天師猶龍六祖崑陽先生  
宏願沈真君

普願汪真人

◎祖師派演一切真人

海上三山一切高真

海內十洲一切高真

十大洞天一切高真

四大空同一切高真

四大名山一切高真

四大部州一切女真

三十六洞天高真

七十二福地高真

四十大名山高真

清源妙道趙真君

◎歷代斬邪護國神

歷代大忠義之神

歷代大孝節之神

濟生上化藥王孫真君

濟生普化藥王許真君

◎歷代一切濟生真君

歷代地仙仙師

歷代劍仙仙師

雲天二十八宿萬象星君

六十甲子支干列位星君

十二宮神分野星君

當年本命元辰星君

三百六十應感天尊

九天司命東厨定福府君

天上天下值日功曹考校仙官

天上天下值日糾察豁落大將

雷門守將十二天君

五百靈官感應一切天君

本府城隍碩德尊神

本縣城隍輔德尊神

通天都府司瘟王者

下界行瘟一切尊神

當方土地社令神祇

飛符傳語齋奏之神

一切大慈悲

十方諸神衆

祥雲滿虛空

弟子今頂禮

願存三大願

普注人人身

弟子今世非

以及前生惡

悉今得消除

永生行善心

志心皈命禮

傳經仙師洞玄無上帝君 三稱三叩畢

是時

諸天尊帝集清微之天臨虛明之殿



三清上座列聖中分。有一高真。孚佑帝君。出班稽首而曰。

諸天尊言。弟子今觀下界。善緣結自西南。洞玄大開經。典度人無量。奉教推施明德。新民天恩無既。臣願述洞玄經讚曰。

人習洞玄經

定生方正心

人習洞玄經

定生慈祥心

人習洞玄經

定生清淨心

人習洞玄經

定生智慧心

人習洞玄經

定生超悟心

人習洞玄經

定生仙佛心

伏以

洞玄經者。諸天尊之寶訓。四大洲之祥光。此經在處。萬神皆護。此經在處。萬仙同助。於是說洞玄大懺拜謝天恩。

人禮洞玄懺

能解疾苦厄

人禮洞玄懺

能解是非厄

人禮洞玄懺

能解刀兵厄

人禮洞玄懺

能解水火厄

人禮洞玄懺

能解和魔厄

人禮洞玄懺

能解網羅厄

人禮洞玄懺

能解瘟疫厄

人禮洞玄懺

能解厄中厄

人禮洞玄懺

能解厄外厄

孚佑帝君說是讚已敬懇

洞玄帝君展金闕之瑤函發雷音而醒世羣真列聖咸此聽聞於是

洞玄帝君啟

昊天上帝寶訓而與下民宣曰仁慈清淨為道之心謙和誠默為道之行高明博厚為道之門養三奇靈為道之根道重知死乃能知生亦重知生知死方真無極而死太極而生其精湛滌其氣渾淪其神虛寂其道圓成人能知此碧落飛昇

道德天王曰三教同源一編萬古佐我玄風揚吾正道爾諸仙衆盍同稱舉於是列聖羣真合掌慶歌和聲而退復次

三三  
玄天大帝謁

玉虛之座進

金闕之庭。恭上瑤函。懇垂寶誥。

誥曰

玉虛上相。金闕高真。德暢人神。經開井鬼。廣三千之功。行醒億萬之沉迷。昔從元嶽而成真。今繼玄天而闡化。扶正教。無黨無偏。闢旁門。有聲有色。誅殺乾坤之方士。挽回道德之宗風。指先天而對月。招後進以昇雲。妙道無方。玄微莫測。至靈至聖。至大至尊。體合身然。神凝般

若三教真宰。一氣權衡。參法天師。洞玄帝君。猶龍六祖。隱仙寓化。虛微普度天尊。

洞玄帝君拜受誥已

諸天神聖亦返天宮。只見祥雲冉冉華日輝輝。

帝君乃返本壇。敷說此經。而為世人言曰。

願以此功德。推及於萬世。

與一切衆生。皆成無上道。

志心朝禮

諸天度人無量經。三稱而退。

洞玄經

四十四

洞玄經者度世之航也經中所述皆諸天垂訓法  
語我三丰先生遵經演之洞明玄蘊洞達玄微於  
是受封洞玄帝君於是說此洞玄真經有緣遇此  
寶之重之弟子西月敬誌

張三丰先生全集

漢嘉長乙山人李西月重編 張道淵子深氏書

閩中朱道生晚成子敬刊

姪 瑛 春城  
男 朱 瓚 素園全按字  
璜 礪溪

善提圓妙經

偈曰

設經闡妙出塵埃  
日上峯頭旋過去

雲鼓三聲坐法臺  
還應紅剎別山來

三三  
卷一  
菩提言我昔在太和庵中敦修玄教。內抱真如。隱顯度人。現種種相。作種種方便。勤立功行。以待天符。塵垢滿衣。常樂我靜。日坐菩提樹下。與弟子圓慶及諸比丘。徒俱圓慶。爾觀此菩提妙種。無香有香。香無不聞。無光有光。光無不照。香光遍滿。總屬無心。乃念我佛上乘本性。充足慈悲。普護自然。寂照亦非有心。是曰菩提。菩提嘉名。實始於此。昔往西天神遊。參禮世尊。啟請釋旨。默契禪宗。世尊大喜。勅讚宣揚。而與大眾言曰。神光熙照。性海澄清。在塵出塵。隱世度世。現醫身而扶

危拔困。倡大眾而闡道傳經。果證大羅金仙。道比達摩尊者。大仁大願。大慈大悲。玄玄祖師。救難夫尊。邈遍靜光佛菩薩摩訶薩。

翌往南海落迦。瞻仰尊者潮音浩浩。佛法無邊。啟請佛意。得並釋宗。因為誦菩提妙經。讚揚慈悲。觀音覺王。卽無甘露。而為祕咒。助我功德。西南兩參。香光同盛。法周法界。性體圓充。釋佛大乘。咸如我道。今付梵鼓。朗誦菩提。

於意云何。而名為釋世尊云。吾好釋。故以釋開教。取釋

去萬緣之意於意云何而又為佛。慈航云吾好佛。故體  
佛設教。取覺悟衆生之意。如是我聞。釋主離世。如是我  
聞。佛主醒世。釋中有佛。無香光。自有香光。如菩提然。佛  
中有釋。有香光。本無香光。亦如菩提然。釋典佛經。無非  
超脫塵垢。警悟沉迷。是故世尊清淨。復得慈航清淨。世  
尊總其清淨。慈航普其清淨。非有所執。其清淨。非有所  
壞。其清淨。非有所吝。其清淨。乃至無清淨。非清淨。非清  
淨。亦清淨。是大清淨。是滿清淨。人能唄誦菩提。必得清  
淨心。必得般若心。但得般若。便忘般若。不忘般若。即非

般若。既非般若。不名般若。非非般若。乃是般若。得般若  
者。是謂之釋。是謂之佛。是謂之佛。是謂之佛。是謂之佛。  
自有釋。釋是謂之佛。是謂之佛。是謂之佛。是謂之佛。是謂之佛。  
佛是佛。自有佛。佛世尊如是也。慈航如是也。即沙門此  
印亦如是也。不如是。能成釋。不不也。不如是。能成佛。不  
不也。何以故。即釋是釋。非釋即非釋。即佛是佛。非佛即  
非佛。何以故。釋外無釋。取釋為釋。佛外無佛。取佛為佛。  
何以故。釋釋釋意。並無釋意。乃已釋意。佛佛佛念。並無  
佛念。乃實佛念。不釋而釋者。上乘不佛而佛者。大乘佛

釋之經藏。即釋佛而成藏。是名正法眼藏。  
菩薩述已。爾時青鸞白鳳。交加和鳴。圓慶暨諸比丘徒。  
眾皆大歡喜。歎為希有。頂禮持行。即述慈航咒曰。  
菩提諦。菩提揭諦。揭菩提諦。諦揭菩提諦。菩提薩埵諦。  
菩提薩摩訶。

菩提一經。蓋得於西湖慈淨寺。如港上人者。上人為  
契虛大師法孫。契虛者江南高僧也。幼精禪旨。業宗  
大乘。晚主慈淨寺。雅重此經。入寂後。如港珍藏者二  
十餘年。道光初來游。我眉同人與如港遇。甚洽。因以

此經相示。並云。玄教之中。有此菩提。而人不識也。其  
時劉楊諸君採輯全書。適得此本。因恭錄而敬存之。  
邈遍靜光佛代傳。普陀大慈明心神咒。

觀自有菩薩摩訶薩。從定觀中。俯視苦海。茂內車諸不  
善道。乃以阿闍鞞掃除諸不善道。普願三千大千世界  
中人。若俱胝。若僧胝。若毘盧遮羅。悉令回心向善。善心  
那羅延。無分三千大千中人。是何賓頭盧。是何頗羅墮。  
皆得登波羅密多。皆得登阿耨多羅三藐三菩提。

即說陀羅尼真言曰

唵。念。念。念。念。念。念。阿鞞跋致。如如耶。摩訶菩提。菩提薩  
埵。乾陀訶提。菩提薩摩訶。

和南觀世音。十親投大慈咒。

願以此功德。提醒無量衆。

曩謨大慈尊。觀自在菩薩摩訶薩。三稱三千大千世界。

鐘偈 隱仙派寺觀所用

十方塵靜。三叩鐘聲。宣普度之靈文。演清虛之妙品。伏

願君王仁聖萬國承平。更祈父母康寧。千家和順。自古

忠貞節烈。箇箇揚名。從今痛苦顛連。人人獲慶。九幽六

道。四生回元。返本。古墓荒郊。冷殯度魄。超魂。廣拔。乎刀

兵水火瘡。疫天亡之輩。各免悲鳴。並祝乎鯨寡孤獨。羈

旅。流離之人。咸歸順境。合陰陽而全性命。能消罪垢。凡

塵。憑德行以立乾坤。可對天高地迴。為儒為佛。能週一

十二萬遐齡。希聖希真。不落三千六百邪徑。掃除悲傷。



三三  
恐懼愛慾貪嗔降伏意馬心猿虎情龍性福祿來成天  
土神仙接引山門清淨人間迴烝長存

志心朝禮

先天一炁三清道祖天尊

志心朝禮

昊天金闕高上玉皇天尊

志心朝禮

九天應元雷聲普化天尊

志心朝禮

太乙救苦尋聲赴感天尊

志心朝禮

歷代傳道無上衆聖祖師

志心朝禮

歷劫掌道無上衆聖仙師

志心朝禮

諸天諸地嶽瀆神祇

志心朝禮

北斗南斗列宿星君

三三  
鐘偈

五

志心朝禮

盡虛空界一切靈感衆神

志心朝禮無量解厄經志心朝禮無量度人經

252  
3118

志心朝禮

志心朝禮

志心朝禮

